

Date	16 Februari 2013 (Sabtu)
Title	Model Bidang Syariah
Publication	Harian Metro
Page	M/S 48 (Setempat)

Model bidang syariah

■ Malaysia diiktiraf dunia sebagai penanda aras pelbagai sektor

Oleh Hayati Ibrahim
ya_t@hmetro.com.my
Putrajaya

Dunia meletakkan Malaysia sebagai satu daripada penanda aras untuk dijadikan model membangunkan pelbagai bidang berlandaskan syariah termasuk pengurusan haji, hab halal, gadaian (al-Rahnu), takaful dan perbankan Islam.

Menteri di Jabatan Perdana Menteri Datuk Seri Jamil Khir Baharom berkata,

sudah banyak negara mengiktiraf Malaysia sehingga ada yang sanggup datang mempelajari serta memahami sistem pentadbiran negara yang mempunyai kepelbagaian agama, bangsa, kaum dan bahasa," katanya pada sidang media selepas majlis perhimpunan agensi di bawah Menteri di Jabatan Perdana Menteri (JPM) di sini, semalam.

Turut hadir, timbalannya, Datuk Dr Mashitah Ibrahim dan Ketua Pengarah Jabatan Kemajuan Islam Malaysia (JAKIM) Datuk Othman Mustapha.

Pada majlis itu, beliau turut menyampaikan hadiah kepada pemenang perarakan sempena sambutan Maulidur Rasul peringkat Kebangsaan

1434H/2013M yang berlangsung di Masjid Putra, di sini, 24 Januari lalu.

Tempat pertama keseluruhan dimenangi Dewan Bandaraya Kuala Lumpur (DBKL); kedua Telekom Malaysia (TM) manakala tempat ketiga dimenangi Universiti Tenaga Nasional (UNITEN).

Sehubungan itu, Jamil Khir berkata, beliau berharap semua agensi agama di bawah JPM sentiasa meningkatkan kecekapan dan prestasi supaya terus kekal membanggakan.

Katanya, walaupun Petunjuk Prestasi Utama (KPI) agensi agama di bawah JPM sepanjang tahun lalu amat baik, tetapi semua pihak perlu berusaha lebih kuat memperbaiki ruang kosong yang dikenal pasti.

"Ada yang sanggup datang mempelajari selok belok pengurusan dan pentadbiran Islam di sini"
Jamil Khir Baharom

